



JABATAN KEHAKIMAN SYARIAH NEGERI PERAK

PAR-JKSPk-04

POLISI PENGISYTIHARAN KONFLIK KEPENTINGAN

Disediakan Oleh:

.....
**YA Tuan Mohd Ridzuan bin
Yusof**

**Pegawai Integriti
Jabatan Kehakiman Syariah
Negeri Perak**

Tarikh: 03/06/2025

Diluluskan Oleh:

.....
**YAA Dato' Ab Rahman
Thobroni bin Mohd Mansor**

**Ketua Hakim Syarie
Jabatan Kehakiman Syariah
Negeri Perak**

Tarikh: 03/06/2025

1. PENGENALAN

1.1 Polisi Pengisytiharan Konflik Kepentingan ini bertujuan untuk

mengelakkan perkara yang boleh menjejaskan imej dan reputasi JKSPk dalam melaksanakan urusan seharian dengan telus, amanah dan berintegriti.

1.2 Ini juga sebagai salah satu langkah kawalan risiko rasuah di Jabatan Kehakiman Syariah Negeri Perak. Kepentingan ini melibatkan “saudara” dan “sekutu” merujuk kepada Seksyen 3, Akta Suruhanjaya Pencegahan Rasuah Malaysia 2009 (Akta 694) seperti berikut:

“saudara”, berhubung dengan seseorang, ertinya-

- a) isteri atau suami orang itu;
- b) adik atau abang atau kakak orang itu;
- c) adik atau abang atau kakak isteri suami orang itu;
- d) orang yang mempunyai pertalian nasab langsung ke atas atau ke bawah dengan orang itu;
- e) orang yang mempunyai pertalian nasab langsung ke atas atau ke bawah dengan isteri atau suami orang itu;
- f) orang yang mempunyai pertalian nasab langsung ke bawah dengan orang yang disebut dalam perenggan (b);
- g) bapa saudara, emak saudara atau sepupu orang itu; atau
- h) menantu orang itu;

“sekutu”, berhubungan dengan seseorang, ertinya-

- a) mana-mana orang yang merupakan penama atau pekerja orang itu;
- b) mana-mana orang yang menguruskan hal ehwal orang itu;
- c) mana-mana organisasi yang orang itu, atau mana-mana penamanya, menjadi pekongsinya, atau orang yang bertanggungjawab bagi atau mengawal, atau yang mempunyai kepentingan mengawal dalam, perniagaannya atau hal ehwalnya;

- d) mana-mana perbadanan mengikut pengertian *Akta Syarikat 1965 [Akta 125], yang orang itu atau mana-mana penamanya, menjadi pengarahnya atau bertanggungjawab bagi atau mengawal perniagaan atau hal ehwalnya, atau yang dalamnya orang itu, bersendirian atau bersama dengan mana-mana penamanya, mempunyai kepentingan mengawal, atau syer yang nilainya berjumlah tidak kurang daripada tiga puluh peratus daripada modal terbitan keseluruhan perbadanan itu; atau
- e) pemegang amanah mana-mana amanah, jika-
 - i. amanah itu telah diwujudkan oleh orang itu; atau ii. nilai keseluruhan aset yang disumbangkan oleh orang itu kepada amanah itu pada bila-bila masa, sama ada sebelum atau selepas amanah itu diwujudkan, berjumlah, pada bilabila masa, tidak kurang daripada dua puluh peratus daripada keseluruhan nilai aset amanah itu.

2. PELAKSANAAN

2.1 Semua warga JKSPk perlu menandatangani Ikrar Pengisytiharan Konflik Kepentingan seperti di **Lampiran 1**. Bahagian Khidmat Pengurusan hendaklah memastikan semua warga JKSPk termasuk yang baru melaporkan diri di JKSPk untuk membaca, memahami dan menandatangani Ikrar Pengisytiharan Konflik Kepentingan tersebut.

2.2 Warga JKSPk yang mempunyai konflik kepentingan dalam mana-mana proses seperti berikut hendaklah mengisytiharkan kepentingannya.

2.2.1 Pengurusan Kes

Hakim Bicara perlu menyemak maklumat pihak-pihak terlebih sebelum prosiding bermula. Sekiranya ada sebarang kepentingan, pengisytiharan perlu dibuat dan diminitkan dalam

Kertas Minit Fail Kes dan dipanjangkan kepada Ketua Hakim Syarie untuk tindakan lanjut seperti menggantikannya dengan Hakim Bicara yang lain.

2.2.2 Pengurusan Perolehan

Untuk Perolehan Sebutharga dan Tender, Ahli Jawatankuasa Perolehan yang dilantik serta pembekal yang terlibat perlu menandatangani “Integrity Pact” merujuk kepada keperluan yang dinyatakan dalam Pekeliling Perbendaharaan (PK 1.1 Lampiran 1.2).

2.2.3 Mesyuarat Pembuat Keputusan

2.2.3.1 Keperluan untuk pengisytiharan Konflik Kepentingan

hendaklah dimaklumkan di awal mana-mana mesyuarat membuat keputusan oleh Pengerusi mesyuarat.

2.2.3.2 Ahli mesyuarat yang mempunyai konflik kepentingan

hendaklah mengisytiharkan kepentingannya sebelum mesyuarat bermula.

2.2.3.3 Jika ada sebarang kepentingan, Pengerusi mesyuarat

perlu membuat keputusan sewajarnya seperti meminta ahli mesyuarat tersebut untuk meninggalkan mesyuarat.

2.2.3.4 Urus setia mesyuarat / pencatit minit hendaklah

merekodkan pengisytiharan konflik kepentingan dalam dalam minit mesyuarat.

2.2.4 Mesyuarat yang perlu pengisytiharan konflik kepentingan adalah seperti berikut.

- 2.2.4.1** Mesyuarat Panel Pembangunan Sumber Manusia;
- 2.2.4.2** Lembaga Tatatertib;
- 2.2.4.3** Jawatankuasa Penilai Aduan.

AKUAN
PENGISYTIHARAN KONFLIK KEPENTINGAN
JABATAN KEHAKIMAN SYARIAH NEGERI PERAK

Saya
No. Kad Pengenalan adalah dengan sesungguhnya dan
sebenarnya mengisytiharkan bahawa:

- i. Saya tidak akan melibatkan diri saya dalam mana-mana amalan rasuah dengan mana-mana pihak yang terlibat sama ada secara langsung atau tidak langsung dalam urusan kerja;
- ii. Saya tidak akan bersubahat dengan mana-mana pihak yang boleh menjejaskan ketelusan dan keadilan semasa mana-mana proses dalam urusan kerja;
- iii. Sekiranya ada sebarang percubaan rasuah daripada mana-mana pihak, saya akan membuat aduan dengan segera kepada Pegawai Integriti atau Suruhanjaya Pencegahan Rasuah Malaysia (SPRM). Saya sedar bahawa kegagalan saya berbuat demikian adalah satu kesalahan di bawah Akta Suruhanjaya Pencegahan Rasuah 2009 (Akta 694);
- iv. Saya tidak akan mendedahkan apa-apa maklumat sulit berkaitan urusan kerja kepada mana-mana pihak selaras dengan Akta Rahsia Rasmi 1972 (Akta 88);
- v. Saya akan mengisytiharkan sekiranya terdapat mana-mana anggota atau keluarga terdekat yang mempunyai apa-apa kepentingan dalam manamana urusan yang dikendalikan oleh saya; dan
- vi. Saya sesungguhnya faham bahawa jika saya melanggar mana-mana terma dalam Surat Akuan ini, saya boleh dikenakan tindakan di bawah Peraturan-peraturan Pegawai Awam (Kelakuan dan Tatatertib) 1993.

Nama :

No. Kad Pengenalan :

Tandatangan :

Tarikh :